



Tokke kommune
Storvegen 60
3880 DALEN

Saksbehandlar, innvalstelefon

Astrid Lie Olsen, 33372321

Fråfall av motsegn - Tokke - 26/4 Omdal steinbrot - reguleringsplan - planID 20200002

Vi viser til oversending frå Tokke kommune datert 23.06.2021, med vedtak av reguleringsplan for Omdal steinbrot. Vedtaket blei gjort med vilkår om at Statsforvaltaren trekker motsegna til planforslaget.

Vi viser òg til dialog med Tokke kommune om motsegna, inkludert møte 8. juni 2021.

Statsforvaltaren ved miljødirektøren fremma 25.05.2021 motsegn til forslaget til reguleringsplan for Omdal steinbrot i Tokke kommune. Bakgrunnen var ei vurdering av at planforslaget ikkje sikra tilstrekkelege avbøtande tiltak og tilstrekkeleg kontroll med at steinbrotet ikkje ville medføre avrenning/forureining til Tokkeåi naturreservat og elva Tokkeåi, i strid med dei nasjonale interessene knytt til naturreservatet, storauren i Tokkeåi og miljømål for tilstanden i elva. Motsegna inneheldt følgjande to punkt, her attgitt noko forkorta:

- Reinsetiltak (t.d. sedimentasjonsbasseng) må dokumenterast gjennom ein detaljert plan for reinsing og fordroying av overflatevatn, som viser reinseprinsipp, dimensjonering, arealbehov og reinseeffekt. I tillegg må tiltak mot akutt forureining bli nærare greidd ut. Arbeidet må gjerast av sakkunnig. Dei konkrete tiltaka må sikrast i reguleringsføresegnene, og plasseringa av reinseløysinga må teiknast inn i plankartet. [...]
- Det må lagast eit prøvetakings-/overvåkingsprogram for å dokumentere at dei avbøtande tiltaka fungerer og at avrenning/forureining frå planområdet ikkje har negativ påverknad på naturreservatet og elva. Eit slikt måleprogram må utformast av sakkunnig. Måleprogrammet må sikre at det blir tatt dei nødvendige prøvar i samband med styrtregn, flaum, skred og andre hendingar som kan påverke avrenninga frå planområdet. Måleprogrammet må òg ta særleg omsyn til gytetida for storauren. I tillegg til overvaking i Tokkeåi bør det vere eit målepunkt oppe ved utløpet av reinsearrangementet (sedimentasjonsbasseng e.l.), slik at dette kan samanliknast med utsleppsgrenser t.d. i forureiningsforskrifta kapittel 30. Resultata frå måleprogrammet må leggjast inn i Vann-nett, og kommunen må varslast viss prøvane indikerer uakseptabel avrenning/forureining frå planområdet. Måleprogrammet må



setjast i verk før oppstart av anleggsarbeidet, slik at ein blir sikra tilstrekkeleg kunnskap om bakgrunnskonsentrasjonar. [...] Eit slikt overvakingsprogram, med dokumentasjon av forureiningssituasjonen før og under drift, må takast inn i reguleringsføresegnene.

Statsforvaltaren informerte om at motsegna kunne løysast ved at ein sakkunnig utarbeider ein detaljert plan for reinsing og fordrøying av overflatevatn og tiltak mot akutt forureining, og at det slik blir dokumentert ein forureiningsmessig akseptabel løysing, sikra i plankart og reguleringsføresegner. Vidare må det utarbeidast eit kvalifisert prøvetakings-/overvakingsprogram, og det må stillast krav om dette i føresegnene.

Etter dialog med Statsforvaltaren har Tokke kommune vedtatt planen med følgjande to nye reguleringsføresegner:

- I samband med utarbeiding av driftsplan skal det utgreiast tiltak og prosjekterast sedimentasjonsdam som hindrar forureining/ avrenning frå anlegget. Sedimentasjonsbassenget må planleggast og driftast slik at utsleppa ikkje overskrid 25 mg/l suspendert stoff og hindrar nedslamming. Planen for sedimentasjonsdam skal leggjast ved framlegget til driftsplan. Reinsetiltak (t.d. sedimentasjonsbasseng) må dokumenterast gjennom ein detaljert plan for reinsing og fordrøying av overflatevatn, som viser reinseprinsipp, dimensjonering, arealbehov og reinseeffekt. I tillegg må tiltak mot akutt forureining bli nærare greidd ut. Arbeidet må gjerast av sakkunnig.*
- Før drift av steinbrotet kan i gangsetjast, må det ligge føre eit godkjent prøvetakings-/overvakingsprogram for å dokumentere at dei avbøtande tiltaka taka fungerer og at avrenning/forureining frå planområdet til Tokkeåi, ikkje har negativ påverknad på naturreservatet og elva. Eit slikt måleprogram må utformast av sakkunnige. Resultata frå måleprogrammet må leggast inn i Vann-nett, og kommunen må varslast viss prøvene indikerer uakseptabel avrenning/forureining frå planområdet. Måleprogrammet må setjast i verk før oppstart av anleggsarbeidet.*

Med dei nye reguleringsføresegnene innarbeidd i planen vurderer vi motsegna som imøtekomme. Statsforvaltaren ved miljødirektøren fråfell med dette motsegna.

Vi takkar for godt samarbeid med kommunen.

Med helsing

Elisabet Rui (e.f.)
direktør i miljøavdelinga

Astrid Lie Olsen
rådgivar

Dokumentet er elektronisk godkjent

Kopi til:

Statens vegvesen - Transport og samfunn
Vestfold og Telemark fylkeskommune
Direktoratet for mineralforvaltning med
Bergmesteren for Svalbard
Norges vassdrags- og energidirektorat

Postboks 1010 Nordre Ål	2605	LILLEHAMMER
Postboks 2844	3702	SKIEN
Ladebekken 50	7066	TRONDHEIM
Postboks 5091 Majorstua	0301	OSLO